

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-231/19
Sarajevo, 20.2.2019. godine

Z A P I S N I K
KONSTITUIRAJUĆE SJEDNICE DOMA NARODA PARLAMENTA
FEDERACIJE BOSNE I HERCEGOVINE, održane
20. februara 2019. godine

Sjednica je počela u 11.25.

Sjednicom je do izbora novog predsjedavajućeg Doma naroda Parlamenta Federacije Bosne i Hercegovine predsjedavala Lidija Bradara, dosadašnja predsjedavajuća Doma naroda Parlamenta Federacije Bosne i Hercegovine.

Predsjedavajuća je izjavila da je sazvala Konstituirajuću sjednicu u skladu sa članom 6. stav 3. Poslovnika o radu Doma naroda Parlamenta Federacije Bosne i Hercegovine, te je pozdravila delegate, članove Centralne izborne komisije Bosne i Hercegovine, potpredsjednicu Federacije Meliku Mahmutbegović, potpredsjednika Vlade Federacije Veska Drljaču, predstavnike medija, međunarodnih organizacija i goste.

Potom je predsjedavajuća pozvala prisutne da ustanu i pozdrave himnu Bosne i Hercegovine.

Nakon intoniranja himne predsjedavajuća Doma naroda je pozvala Suada Arnautovića, predstavnika Centralne izborne komisije Bosne i Hercegovine, da u skladu sa Izbornim zakonom Bosne i Hercegovine, uruči uvjerenja o izboru delegata u Dom naroda Parlamenta Federacije Bosne i Hercegovine. Arnautović se potom kratko obratio Domu naroda Parlamenta Federacije Bosne i Hercegovine.

Nakon dodjele uvjerenja delegatima, predsjedavajuća je čestitala na dodjeli mandata.

Predsjedavajuća je podsjetila delegate da, u skladu sa Ustavom Federacije Bosne i Hercegovine, Dom naroda broji 58 delegata, po 17 iz reda svakog od konstitutivnih naroda i sedam delegata iz reda ostalih. Konstatovala je da je Centralna izborna komisija Bosne i Hercegovine dodijelila uvjerenja za 55 delegata.

Prema evidenciji Stručne službe, sjednici prisustvuje 55 delegata što čini većinu pa Dom naroda može raditi i punovažno odlučivati.

Predsjedavajuća je podsjetila delegate da je 19.2.2019. godine održan radno-konsultativni sastanak sa predstavnicima političkih stanaka koje imaju delegate u Domu naroda. U vezi s tim predloženi su članovi Privremene mandatno-imunitetske komisije Doma naroda, Privremene komisije za izbor i imenovanja Doma naroda, Privremenog odbora za ekonomsku i razvojnu politiku, finansije i budžet Doma naroda, Privremene zakonodavnopravne komisije Doma naroda i Privremene administrativne komisije Doma naroda. Predsjedavajuća je, zatim, te prijedloge stavila na glasanje.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, jednoglasno, sa 51 glasom za, usvojio prijedlog da se za članove Privremene mandatno-imunitetske komisije Doma naroda izaberu: Senad Čeljo, Jasmin Duvnjak, Tomislav Mandić, Zdenka Džambas, Slađan Ilić, Drago Puzigaća i Sandra Imširović.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, jednoglasno, sa 49 glasova za, usvojio prijedlog da se za članove Privremene komisije za izbor i imenovanja Doma naroda izaberu: Zvonko Marić, Ramo Isak, Ivo Tadić, Zdravko Bešlić, Daliborka Milović, Goran Broćeta i Vibor Handžić.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, jednoglasno, sa 53 glasa za, usvojio prijedlog da se za članove Privremene zakonodavnopravne komisije Doma naroda izaberu: Jasenko Tufekčić, Hajrudin Halilović, Tomislav Martinović, Boris Krešić, Igor Stojanović, Zora Dujmović i Mirela Trepanić.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, jednoglasno, sa 52 glasa za, usvojio prijedlog da se za članove Privremenog odbora za ekonomsku i razvojnu politiku, finansije i budžet Doma naroda izaberu: Aljoša Čampara, Senad Ahmetović, Damir Džeba, Ilija Nakić, Duško Radun, Dragana Damjanović i Aner Žuljević.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, jednoglasno, sa 51 glasom za, usvojio prijedlog da se za članove Privremene administrativne komisije Doma naroda izaberu: Tomislav Martinović, Senad Alić, Fahrudin Skopljak, Ivo Tadić, Vesna Saradžić, Drago Puzigaća i Segmedina Srna-Bajramović.

Predsjedavajuća je potom dala pauzu kako bi Privremena mandatno-imunitetska komisija izvršila verificiranje mandata delegata u Domu naroda i sačinila izvještaj.

Nakon pauze prešlo se na utvrđivanje dnevnog reda.

Predsjedavajuća je obavijestila delegate da je Vlada Federacije Bosne i Hercegovine dostavila: Prijedlog Budžeta Federacije Bosne i Hercegovine za 2019. godinu, Prijedlog zakona o izvršavanju Budžeta Federacije Bosne i Hercegovine za 2019. godinu i Prijedlog zakona o dopuni Zakona o budžetima u Federaciji Bosne i Hercegovine, s prijedlogom da se razmatraju po hitnom postupku, te pozvala delegate da se izjasne o ovom prijedlogu.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 49 glasova za i jednim glasom protiv, prihvatio da se Prijedlog Budžeta Federacije Bosne i Hercegovine za 2019. godinu razmatra po hitnom postupku.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 50 glasova za i jednim glasom protiv, prihvatio da se Prijedlog zakona o izvršavanju Budžeta Federacije Bosne i Hercegovine za 2019. godinu razmatra po hitnom postupku.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, jednoglasno, sa 53 glasa za, prihvatio da se Prijedlog zakona o dopuni Zakona o budžetima u Federaciji Bosne i Hercegovine razmatra po hitnom postupku.

Zatim je predsjedavajuća stavila na glasanje i, na osnovu rezultata glasanja, konstatovala, da je Dom naroda Parlamenta Federacije Bosne i Hercegovine, jednoglasno, sa 54 glasa za, usvojio sljedeći:

DNEVNI RED:

1. Izvještaj Privremene mandatno-imunitetne komisije,
2. Polaganje zakletve,
3. Izbor predsjedavajućeg i potpredsjedavajućih Doma naroda Parlamenta Federacije Bosne i Hercegovine,
4. Izbor delegata u Dom naroda Parlamentarne skupštine Bosne i Hercegovine,

5. Prijedlog Budžeta Federacije Bosne i Hercegovine za 2019. godinu - hitni postupak,
6. Prijedlog zakona o izvršavanju Budžeta Federacije Bosne i Hercegovine za 2019. godinu - hitni postupak,
7. Prijedlog zakona o dopuni Zakona o budžetima u Federaciji Bosne i Hercegovine - hitni postupak,
8. Prijedlog odluke o davanju saglasnosti na Finansijski plan Federalnog zavoda za zapošljavanje za 2019. godinu i procjenu plana za 2020. i 2021. godinu i Odluku o izvršavanju Finansijskog plana Federalnog zavoda za zapošljavanje za 2019. godinu,
9. Prijedlog odluke o davanju saglasnosti na Finansijski plan Federalnog zavoda za penzijsko i invalidsko osiguranje za 2019. godinu i Odluku o izvršavanju Finansijskog plana Federalnog zavoda za penzijsko i invalidsko osiguranje za 2019. godinu,
10. Prijedlog odluke o davanju saglasnosti na Finansijski plan Zavoda zdravstvenog osiguranja i reosiguranja Federacije Bosne i Hercegovine za 2019. godinu (konsolidirani), Finansijski plan Federalnog Fonda solidarnosti za 2019. godinu (Anex I.) i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2019. godinu.

1. Izvještaj Privremene mandatno-imunitetske komisije

Tomislav Mandić je kao izvjestitelj Komisije izjavio da je ova komisija formirana na Konstituirajućoj sjednici Doma naroda 20.2.2019. godine i da je razmatrala Odluku Centralne izborne komisije Bosne i Hercegovine o potvrđivanju rezultata posrednih izbora i dodjeli mandata delegatima za Dom naroda Parlamenta Federacije Bosne i Hercegovine, Opći izbori 2018. godine broj: 06-1-07-1-134-1/19 od 14.2.2019. godine, "Službeni glasnik BiH" broj 10/19 i Odluku Centralne izborne komisije Bosne i Hercegovine o dopuni Odluke o potvrđivanju rezultata posrednih izbora i dodjeli mandata delegatima za Dom naroda Parlamenta Federacije Bosne i Hercegovine, Opći izbori 2018. godine broj: 05-1-07-1-153-1/19 od 17.2.2019. godine, "Službeni glasnik BiH" broj 12/19. Komisija je konstatovala da je Centralna izborna komisija Bosne i Hercegovine, u skladu sa Izbornim zakonom Bosne i Hercegovine, dodijelila mandate za Dom naroda Parlamenta Federacije Bosne i Hercegovine za mandatni period 2018. - 2022. godina sljedećim delegatima: Ahmetović Senad, Alić Senad, Atanasijević Ljubinka, Bešlić Zdravko, Broćeta Goran, Čampara Aljoša, Čeljo Senad, Damjanović

Dragana, Dujmović Zora, Duvnjak Jasmin, Džambas Zdenka, Džeba Damir, Fejzić Edim, Hadžić Dževad, Hajdarović Alisa, Halilović Hajrudin, Handžić Vibor, Iličić Marija, Ilić Ilija, Ilić Slađan, Imširović Sandra, Isak Ramo, Ivić Ivan, Jusić Hadis, Kantarević Rasim, Kapić Jasminko, Krešić Boris, Mandić Tomislav, Marić Zvonko, Marjanović Damir, Martinović Tomislav, Milović Daliborka, Musić Nijaz, Mušanović Elvedin, Nakić Ilija, Puzigaća Drago, Radun Duško, Raguž Iva, Saradžić Vesna, Saraf Marko, Simić Mladen, Skopljak Fahrudin, Srna Bajramović Segmedina, Stojanović Igor, Suljević Samir, Šahinović Anel, Šarac Stipan, Tadić Ivo, Tanović Velemir, Tatarin Sejad, Trepanić Mirela, Tufekčić Jasenko, Viteškić Smiljana, Vujović Žarko i Žuljević Aner.

Privremena mandatno-imunitetska komisija je predložila da Dom naroda verifikuje mandate delegatima Doma naroda Parlamenta Federacije Bosne i Hercegovine.

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, jednoglasno, sa 54 glasa za, prihvatio Izvještaj Privremene mandatno-imunitetske komisije i verifikovao mandate navedenim delegatima.

2. Davanje zakletve

Delegati su, zatim, dali zakletvu. Predsjedavajuća Doma naroda je podsjetila delegate da su nakon verifikovanja mandata i date zakletve, u skladu sa članom 260. Poslovnika o radu Doma naroda, stekli sva prava i dužnosti delegata u Domu naroda Parlamenta Federacije Bosne i Hercegovine.

Potom je predsjedavajuća dala pauzu kako bi se konstituisali klubovi delegata konstitutivnih naroda koji će, zatim, dostaviti prijedloge za predsjedavajućeg i potpredsjedavajuće Doma naroda te utvrditi liste za izbor bošnjačkih i hrvatskih delegata u Dom naroda Parlamentarne skupštine Bosne i Hercegovine.

3. Izbor predsjedavajućeg i potpredsjedavajućih Doma naroda Parlamenta Federacije Bosne i Hercegovine

U ime Privremene komisije za izbor i imenovanja, Izvještaj je obrazložio Ivo Tadić.

Izjavio je da je za predsjednika Kluba delegata bošnjačkog naroda izabran Jasmin Duvnjak, za predsjednika Kluba delegata hrvatskog naroda Ivo Tadić, dok Klub delegata srpskog naroda nije imenovao predsjednika.

Izjavio je da su klubovi delegata konstitutivnih naroda predložili sljedeće delegate za predsjedavajućeg i potpredsjedavajuće Doma naroda:

- Klub delegata hrvatskog naroda je za predsjedavajućeg Doma naroda predložio **Tomislava Martinovića** iz reda hrvatskog naroda,
- Klub delegata bošnjačkog naroda je za potpredsjedavajućeg Doma naroda predložio **Aljošu Čamparu** iz reda bošnjačkog naroda.

Klub delegata srpskog naroda nije dostavio prijedlog za potpredsjedavajućeg Doma naroda iz reda srpskog naroda ali je šest delegata iz Kluba delegata srpskog naroda predložilo Žarka Vujovića za potpredsjedavajućeg Doma naroda iz reda srpskog naroda.

U raspravi nije niko učestvovao.

Nakon toga predsjedavajuća je stavila na glasanje Prijedlog odluke o izboru predsjedavajućeg Doma naroda Parlamenta Federacije Bosne i Hercegovine na prijedlog Kluba delegata hrvatskog naroda.

Na osnovu rezultata glasanja, predsjedavajuća je konstatovala da je Dom naroda Parlamenta Federacije Bosne i Hercegovine, sa 38 glasova za, pet protiv i 11 suzdržanih, donio Odluku o izboru predsjedavajućeg Doma naroda Parlamenta Federacije Bosne i Hercegovine, kojom je za predsjedavajućeg Doma naroda izabran Tomislav Martinović iz reda hrvatskog naroda.

Lidija Bradara čestitala je Tomislavu Martinoviću na izboru za predsjedavajućeg Doma naroda i pozvala ga da preuzme predsjedavanje sjednicom.

* * *

TOMISLAV MARTINOVIĆ PREDSJEDA SJDNICOM

Predsjedavajući je zahvalio delegatima na izboru te istakao da će na mjestu predsjedavajućeg Doma biti privremeno nakon čega je dao riječ dosadašnjoj predsjedavajućoj. Lidija Bradara najprije je čestitala predsjedavajućem i delegatima novog saziva Doma naroda, a zatim zahvalila na uspješnoj saradnji, posebno najbližim saradnicima, članovima svoga ureda, kao i delegatima iz prošlog saziva, članovima Kolegija i Vlade Federacije, kolegama iz Predstavničkog doma te Stručnoj službi Doma naroda.

Nakon obraćanja Lidije Bradara, predsjedavajući je još jednom zahvalio te stavio na glasanje Prijedlog odluke o izboru potpredsjedavajućeg Doma naroda iz reda bošnjačkog naroda.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine sa 35 glasova za, šest protiv i 12 suzdržanih, donio Odluku o izboru potpredsjedavajućeg Doma naroda Parlamenta Federacije Bosne i Hercegovine kojom je za potpredsjedavajućeg Doma naroda iz reda bošnjačkog naroda izabran Aljoša Čampara.

Predsjedavajući je, zatim, na prijedlog dijela Kluba delegata srpskog naroda, stavio na glasanje Odluku o izboru potpredsjedavajućeg iz reda srpskog naroda.

Na osnovu rezultata glasanja, predsjedavajući je konstatovao da Dom naroda Parlamenta Federacije Bosne i Hercegovine nije donio Odluku o izboru Žarka Vujovića za potpredsjedavajućeg Doma naroda iz reda srpskog naroda, jer je za glasalo 19 delegata, 14 je bilo protiv, a 16 suzdržano.

4. Izbor delegata u Dom naroda Parlamentarne skupštine Bosne i Hercegovine

Predsjedavajući je podsjetio delegate da je Članom IV. 1. Ustava Bosne i Hercegovine utvrđeno da Dom naroda Parlamentarne skupštine Bosne i Hercegovine ima 15 delegata od kojih su dvije trećine iz Federacije Bosne i Hercegovine (uključujući pet Hrvata i pet Bošnjaka) i jedna trećina iz Republike Srpske (pet Srba).

U Domu naroda Parlamenta Federacije Bosne i Hercegovine, hrvatski delegati biraju hrvatske delegate, a bošnjački delegati biraju bošnjačke delegate iz Federacije Bosne i Hercegovine u Dom naroda Parlamentarne skupštine Bosne i Hercegovine.

Na osnovu člana 9.12.d Zakona o izmjenama i dopunama Izbornog zakona Bosne i Hercegovine («Službeni glasnik BiH», broj 24/06), glasanje se provodi **tajno**, tako što :

Svaki delegat bošnjačkog, odnosno hrvatskog, kluba u Domu naroda Parlamenta Federacije Bosne i Hercegovine daje jedan glas za **listu kandidata** za izbor bošnjačkih, odnosno hrvatskih, delegata u Dom naroda Parlamentarne skupštine Bosne i Hercegovine.

U skladu sa članom 14. Upustva o postupku provođenju posrednih izbora za organe vlasti u Bosni i Hercegovini obuhvaćenih Izbornim zakonom Bosne i Hercegovine, izbore provode nadležna radna tijela Doma naroda Parlamenta Federacije Bosne i Hercegovine, a u ovom slučaju članovi Privremene komisije za izbor i imenovanja.

Glasanje se vrši stavljanjem znaka X u kvadratić pored naziva predlagача kandidatske liste. Svaki delegat bošnjačkog, odnosno hrvatskog, kluba u Domu naroda Parlamenta Federacije BiH može dati glas samo za jednu kandidatsku listu za izbor bošnjačkih, odnosno hrvatskih, delegata u Dom naroda Parlamentarne skupštine BiH.

Također, predsjedavajući je zamolio delegate da **ne glasaju** za pojedinačne kandidate jer bi takvi listići bili nevažeći.

Uslijedila je pauza za tehničke pripreme, a nakon pauze predsjedavajući je pozvao Ivu Tadića da, u ime Privremene komisije za izbor i imenovanja, ponovo objasni postupak izbora delegata u Dom naroda Parlamentarne skupštine Bosne i Hercegovine.

Ivo Tadić je rekao da se glasa na način da se delegati prozivaju poimenično i da se potpišu kad dobiju glasački listić. Jedna glasačka kutija je namijenjena za Klub delegata hrvatskog naroda, a druga za Klub delegata bošnjačkog naroda. Ponovio je postupak izbora delegata u Dom naroda Parlamentarne skupštine Bosne i Hercegovine na način predviđen članom 9.12.d Zakona o izmjenama i dopunama Izbornog zakona Bosne i Hercegovine i članom 14. Upustva o postupku provođenju posrednih izbora za organe vlasti u Bosni i Hercegovini, obuhvaćenih Izbornim zakonom Bosne i Hercegovine.

Obavljeno je glasanje nakon čega su članovi Privremene komisije za izbor i imenovanja Doma naroda pregledali glasačke kutije i obavijestili Dom naroda o rezultatima glasanja.

Iz Kluba delegata bošnjačkog naroda u Domu naroda, glasanju je pristupilo 17 delegata.

Iz Kluba delegata hrvatskog naroda u Domu naroda, glasanju je pristupilo 17 delegata.

Nevažećih glasačkih listića nije bilo.

Iz reda bošnjačkog naroda bilo je ukupno pet kandidatskih listi, a nakon provedenog glasanja Komisija je konstatovala da su liste dobile broj glasova kako slijedi:

- 1. KANDIDATSKA LISTA DUVNJAK JASMINA dobila je tri glasa.**
- 2. KANDIDATSKA LISTA SAVEZ ZA BOLJU BUDUĆNOST-FAHRUDIN RADONČIĆ dobila je pet glasova.**
- 3. KANDIDATSKA LISTA STRANKA DEMOKRATSKE AKCIJE dobila je tri glasa.**
- 4. KANDIDATSKA LISTA SOCIJALDEMOKRATSKE PARTIJE BIH dobila je tri glasa.**

5. KANDIDATSKA LISTA ČAMPARA ALJOŠE dobila je tri glasa.

Iz reda hrvatskog naroda bilo je ukupno sedam kandidatskih lista, a nakon provedenog glasanja Komisija je konstatovala da su liste dobile broj glasova kako slijedi:

- 1. KANDIDATSKA LISTA IVE TADIĆA dobila je tri glasa.**
- 2. KANDIDATSKA LISTA DEMOKRATSKE FRONTE dobila je tri glasa.**
- 3. KANDIDATSKA LISTA HRVATSKE DEMOKRATSKE ZAJEDNICE dobila je tri glasa.**
- 4. KANDIDATSKA LISTA NAKIĆ ILIJE dobila je dva glasa.**
- 5. KANDIDATSKA LISTA DŽEBA DAMIRA dobila je tri glasa.**
- 6. KANDIDATSKA LISTA MARTINOVIĆ TOMISLAVA dobila je tri glasa.**
- 7. KANDIDATSKA LISTA FEJZIĆ EDIMA nije dobila nijedan glas.**

Kompletan izborni materijal, sa rezultatima provedenog postupka glasanja, uključujući glasačke listiće, biračke spiskove i zapisnik sa sjednice Privremene komisije za izbor i imenovanja, Dom naroda Parlamenta Federacije Bosne i Hercegovine dostavit će Centralnoj izbornoj komisiji BiH na potvrđivanje i konačnu raspodjelu mandata, u skladu sa članom 15. Uputstva.

O rezultatima izbora bošnjačkih, odnosno hrvatskih, delegata u Domu naroda Parlamentarne skupštine BiH, Centralna izborna komisija će obavijestiti izabrane delegate i Dom naroda Parlamenta Federacije Bosne i Hercegovine.

Nakon izbora za delegate u Dom naroda Parlamentarne skupštine Bosne i Hercegovine predsjedavajući je pozvao članove Privremenog odbora za ekonomsku i razvojnu politiku, finansije i budžet da održe sjednicu i Domu naroda podnesu izvještaj.

5. Prijedlog budžeta Federacije Bosne i Hercegovine za 2019. godinu - hitni postupak

Prijedlog budžeta utvrdila je Vlada Federacije.

Predstavnički dom Parlamenta Federacije obavijestio je Dom naroda da je na 1. vanrednoj sjednici održanoj 9.1.2019. godine usvojio Prijedlog budžeta u tekstu kako ga je predložila Vlada Federacije. Tom prilikom, Predstavnički dom je usvojio Zaključak.

Prijedlog budžeta Federacije Bosne i Hercegovine za 2019. godinu obrazložio je Fadil Novalić, premijer Federacije Bosne i Hercegovine.

Prijedlog budžeta razmatrao je Privremeni odbor za ekonomsku i razvojnu politiku, finansije i budžet čiji izvještaj je obrazložio Aljoša Čampara.

U raspravi su učestvovali: predsjednik Kluba delegata bošnjačkog naroda Jasmin Duvnjak, Hajrudin Halilović, Zvonko Marić, Žarko Vujović, Vibor Handžić i predsjednik Kluba delegata hrvatskog naroda Ivo Tadić.

Potom je predsjedavajući stavio na glasanje Prijedlog budžeta Federacije Bosne i Hercegovine za 2019. godinu i Zaključak koji je predložio Privremeni odbor za ekonomsku i razvojnu politiku, finansije i budžet.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine sa 49 glasova za i jednim suzdržanim glasom, usvojio Prijedlog budžeta Federacije Bosne i Hercegovine za 2019. godinu.

Dom naroda je tom prilikom sa 49 glasova za i jednim suzdržanim glasom usvojio sljedeći

ZAKLJUČAK

Dom naroda Parlamenta Federacije Bosne i Hercegovine obavezuje Vladu Federacije Bosne i Hercegovine i Federalno ministarstvo energije, rudarstva i industrije da, prilikom izrade rebalansa budžeta Federacije Bosne i Hercegovine za 2019. godinu, izdvoji 2.000.000 KM za razvoj namjenske industrije na teritoriji Unsko - sanskog kantona.

6. Prijedlog zakona o izvršavanju Budžeta Federacije Bosne i Hercegovine za 2019. godinu - hitni postupak

Prijedlog zakona o izvršavanju Budžeta Federacije Bosne i Hercegovine za 2019. godinu utvrdila je Vlada Federacije.

Predstavnički dom Parlamenta Federacije obavijestio je Dom naroda da je na 1. vanrednoj sjednici održanoj 9. 1.2019. godine usvojio Prijedlog zakona o izvršavanju Budžeta Federacije Bosne i Hercegovine za 2019. godinu u tekstu kako ga je predložila Vlada Federacije.

Prijedlog zakona razmatralo je privremeno radno tijelo koje je dostavilo svoj izvještaj.

Nije bilo potrebe da predstavnik Vlade Federacije obrazloži Prijedlog zakona.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovina, jednoglasno, sa 51 glasom za, usvojio Prijedlog zakona o izvršavanju Budžeta Federacije Bosne i Hercegovine za 2019. godinu.

7. Prijedlog zakona o dopuni Zakona o budžetima u Federaciji Bosne i Hercegovine - hitni postupak

Prijedlog zakona o dopuni Zakona o budžetima u Federaciji Bosne i Hercegovine utvrdila je Vlada Federacije.

Predstavnički dom Parlamenta Federacije obavijestio je Dom naroda da je na 1. vanrednoj sjednici održanoj 9.1.2019. godine usvojio Prijedlog zakona o dopuni Zakona o budžetima u Federaciji Bosne i Hercegovine u tekstu kako ga je predložila Vlada Federacije.

Prijedlog zakona razmatralo je privremeno radno tijelo koje je dostavilo svoj izvještaj.

Nije bilo potrebe da predstavnik Vlade Federacije obrazloži Prijedlog zakona.

Nije bilo rasprave.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovina, sa 49 glasova za i jednim glasom protiv, usvojio Prijedlog zakona o dopuni Zakona o budžetima u Federaciji Bosne i Hercegovine.

8. Prijedlog odluke o davanju saglasnosti na Finansijski plan Federalnog zavoda za zapošljavanje za 2019. godinu i procjenu plana za 2020. i 2021. godinu i Odluku o izvršavanju Finansijskog plana Federalnog zavoda za zapošljavanje za 2019. godinu

Prijedlog odluke je dostavila Vlada Federacije radi razmatranja i davanja saglasnosti.

Predstavnički dom obavijestio je Dom naroda da je na 1. vanrednoj sjednici od 9.1.2019. godine donio Odluku o davanju saglasnosti na Finansijski plan Federalnog zavoda za zapošljavanje za 2019. godinu i procjenu plana za 2020. i 2021. godinu i na Odluku o izvršavanju finansijskog plana Federalnog zavoda za zapošljavanje za 2019. godinu.

Prijedlog odluke razmatralo je privremeno radno tijelo koje je dostavilo svoj izvještaj.

Nije bilo potrebe da predstavnici Federalnog zavoda za zapošljavanje i Vlade Federacije obrazlože Prijedlog odluke.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine sa 44 glasa za, jednim glasom protiv i dva suzdržana glasa, donio Odluku o davanju saglasnosti na Finansijski plan Federalnog zavoda za zapošljavanje za 2019. godinu i procjenu plana za 2020. i 2021. godinu i na Odluku o izvršavanju finansijskog plana Federalnog zavoda za zapošljavanje za 2019. godinu.

9. Prijedlog odluke o davanju saglasnosti na Finansijski plan Federalnog zavoda za penzijsko i invalidsko osiguranje za 2019. godinu i Odluku o izvršavanju Finansijskog plana Federalnog zavoda za penzijsko i invalidsko osiguranje za 2019. godinu

Prijedlog odluke je dostavila Vlada Federacije radi razmatranja i davanja saglasnosti.

Predstavnički dom obavijestio je Dom naroda da je na 1. vanrednoj sjednici od 9.1.2019. godine donio Odluku o davanju saglasnosti na Finansijski plan Federalnog zavoda za penzijsko i invalidsko osiguranje za 2019. godinu i Odluku o izvršavanju Finansijskog plana Federalnog zavoda za penzijsko i invalidsko osiguranje za 2019. godinu.

Prijedlog odluke razmatralo je privremeno radno tijelo koje je dostavilo svoj izvještaj.

Nije bilo potrebe da predstavnici Federalnog zavoda za penzijsko i invalidsko osiguranje i Vlade Federacije obrazlože Prijedlog odluke.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovina, sa 47 glasova za, jednim glasom protiv i dva suzdržana glasa, donio Odluku o davanju saglasnosti na Finansijski plan Federalnog zavoda za penzijsko i invalidsko osiguranje za 2019. godinu i Odluku o izvršavanju Finansijskog plana Federalnog zavoda za penzijsko i invalidsko osiguranje za 2019. godinu.

10. Prijedlog odluke o davanju saglasnosti na Finansijski plan Zavoda zdravstvenog osiguranja i reosiguranja Federacije Bosne i Hercegovine za 2019. godinu (konsolidirani), Finansijski plan Federalnog Fonda solidarnosti za 2019. godinu (Anex I.) i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2019. godinu

Prijedlog odluke je dostavila Vlada Federacije radi razmatranja i davanja saglasnosti.

Predstavnički dom obavijestio je Dom naroda da je na 1. vanrednoj sjednici od 9.1.2019. godine donio Odluku o davanju saglasnosti na Finansijski plan Zavoda zdravstvenog osiguranja i reosiguranja Federacije Bosne i Hercegovine za 2019. godinu (konsolidirani), Finansijski plan Federalnog Fonda solidarnosti za 2019. godinu (Anex I.) i Odluku o načinu izvršavanja Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2019. godinu. Tom prilikom usvojen je i Zaključak.

Prijedlog odluke razmatralo je privremeno radno tijelo koje je dostavilo svoj izvještaj.

Nije bilo potrebe da predstavnici Zavoda zdravstvenog osiguranja i reosiguranja Federacije Bosne i Hercegovine i Vlade Federacije obrazlože Prijedlog odluke.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine sa 44 glasa za, dva glasa protiv i četiri suzdržana glasa, donio Odluku o davanju saglasnosti na Finansijski plan Zavoda zdravstvenog osiguranja i reosiguranja Federacije Bosne i Hercegovine za 2019. godinu (konsolidirani), Finansijski plan Federalnog Fonda solidarnosti za 2019. godinu (Anex I.) i Odluku o načinu izvršavanja Finansijskog plana Zavoda

zdravstvenog osiguranja i reosiguranja Federacije Bosne i Hercegovine za 2019. godinu.

Tom prilikom Dom naroda je sa 44 glasa za, jednim glasom protiv i tri suzdržana glasa usvojio sljedeći

ZAKLJUČAK

Dom naroda Parlamenta Federacije Bosne i Hercegovine zadužuje Vladu Federacije Bosne i Hercegovine da, zajedno sa Federalnim ministarstvom zdravstva i Zavodom zdravstvenog osiguranja i reosiguranja Federacije Bosne i Hercegovine, što hitnije izvrše procjenu potrebnih sredstava za nabavku lijekova koji su potrebni za liječenje djece oboljele od malignih oboljenja, te da se ova sredstva uvrste u Rebalans Financijskog plana Zavoda zdravstvenog osiguranja i reosiguranja Federacije Bosne i Hercegovine koji je potrebno što hitnije uraditi.

Sjednica je završena u 17.17.

Transkript sjednice čini sastavni dio Zapisnika.

SEKRETAR

Izmir Hadživdić

PREDSJEDAVALAČI

Tomislav Martinović